

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo za boračka pitanja
T U Z L A

Broj: 15/1-04-027147-1/25
Tuzla, 09.10.2025. godine

Na osnovu člana 70. stav (1) Zakona o javnim nabavkama („Službeni glasnik BiH“, broj: 39/14, 59/22 i 50/24) – u daljem tekstu: ZJN, te prijedloga Komisije za javne nabavke Ministarstva za boračka pitanja Tuzlanskog kantona, utvrdenog u Zapisniku broj: 15-04-027147/25 od 08.10.2025. godine, Ministrica za boračka pitanja donosi

ODLUKU

o poništenju i ponovnom pokretanju postupka javne nabavke za izrada i postavljanje jedinstvenih spomen obilježja poginulim pripadnicima oružanih snaga Bosne i Hercegovine u toku rata 1992-1995 i poginulim / umrlim nosiocima ratnog priznanja „Zlatni ljiljan“

Član 1.

Poništava se postupak javne nabavke radova „Izrada i postavljanje jedinstvenih spomen obilježja poginulim pripadnicima oružanih snaga Bosne i Hercegovine u toku rata 1992-1995 i poginulim / umrlim nosiocima ratnog priznanja „Zlatni ljiljan“, pokrenut objavljivanjem konkurentskog zahtjeva na Portalu javnih nabavki dana 15.09.2025. godine, Obavještenjem o nabavci, broj: 1015-7-3-12-3-17/25, iz razloga što je jedina dostavljena ponuda nepravilna.

Član 2.

Nalaže se Komisije za javne nabavke da izvrši ponovno pokretanje postupka javne nabavke radova za „Izradu i postavljanje jedinstvenih spomen obilježja poginulim pripadnicima oružanih snaga Bosne i Hercegovine u toku rata 1992-1995 i poginulim / umrlim nosiocima ratnog priznanja „Zlatni ljiljan“.

Član 3.

Ova Odluka će se objaviti na službenoj web stranici Ministarstva za boračka pitanja Tuzlanskog kantona.

Član 4.

Postupak poništavanja i ponovnog pokretanja postupka javne nabavke će se provesti u skladu sa Zakonom o javnim nabavkama i podzakonskim aktima.

Član 5.

Odluka stupa na snagu danom donošenja.

Obrazloženje

Na osnovu Obavještenja o nabavci, broj: 1015-7-3-12-3-17/25 objavljenog na Portalu javnih nabavki dana, 15.09.2025. godine, proveden je konkurentski postupak prikupljanja ponuda za nabavku radova na izrada i postavljanje 41 pari jedinstvenih spomen obilježja (u daljem tekstu: JSO):

- Poginulim pripadnicima Oružanih snaga Bosne i Hercegovine u toku rata 1992-1995. godine i
- Poginulim/ umrlim pripadnicima Oružanih snaga Bosne i Hercegovine u toku rata 1992-1995. godine koji su nosioci ratnog priznanja „Zlatni ljiljan“ .

te je izvršeno javno otvaranje ponuda što je konstatovano Zapisnikom sa otvaranja ponuda od 07.10.2025. godine.

Komisija je Zapisnikom, broj: 15-04-027147/25 od 07.10.2025.godine, konstatovala da se prijavio jedan ponuđač i to:

- RVI 13. mart” d.o.o. za zapošljavanje, obrazovanje i osposobljavanje invalidnih lica, Tuzla (u daljem tekstu: “RVI 13. mart” d.o.o. Tuzla).

Uvidom u ponudu “RVI 13. mart” d.o.o. Tuzla, Komisija konstatuje da je ponuđač dostavio nepravilnu ponudu koja je nije u skladu sa Tenderskom dokumentacijom broj: 15/1-04-027147/25 od 15.09.2025. godine (u daljem tekstu: tenderska dokumentacija), iz slijedećih razloga:

Tačkom 3.3.1. tenderske dokumentacije, utvrđeno je, kako slijedi:

„U skladu sa članom 47. Zakona, ponuda će biti odbačena ako ponuđač ne ispunji minimalne uslove: a) da račun dobavljača nije blokiran u posljednjih 6 mjeseci od dana objave ovog javnog poziva na Portalu javnih nabavki.“

Javni poziv je objavljen na Portalu javnih nabavki, dana, 15.09.2025. godine a ponuđač “RVI 13. mart” d.o.o. Tuzla je dostavio Potvrdu NLB Banke d.d. Sarajevo o solventnosti računa, broj: 10101124/2025 od 09.09.2025.godine, što znači da je ista izdata prije objave javnog poziva na Portalu javnih nabavki.

Tačkom 3.4.2. alineja b) tenderske dokumentacije, utvrđeno je:

„izjava o angažovanju kvalifikovanog osoblja (angažovanje po osnovu: ugovora o radu - stalni radni odnos - na određeno vrijeme, ugovora o obavljanju povremenih poslova, ugovora o djelu ili sličan radni angažman)“.

Ponuđač “RVI 13. mart” d.o.o. Tuzla nije dostavio izjavu o angažovanju kvalifikovanog osoblje.

Ponuđač “RVI 13. mart” d.o.o. Tuzla je dostavio Listu osiguranih lica za obveznika, broj: 13-3/1-12-45-5108 od 10.09.2025.godine, izdatu od Porezne ispostave Tuzla, koja nije tražena tenderskom dokumentacijom, te na osnovu iste nije moguće utvrditi da li je ponuđač angažovao kvalifikovano osoblje.

Tačkom 4.4.2. tenderske dokumentacije, utvrđeno je:

„U slučaju da ponuđač propusti popuniti Obrazac za cijenu ponude u skladu sa postavljenim zahtjevima, za sve stavke koje su navedene, njegova ponuda će biti odbačena.“

Ponuđač “RVI 13. mart” d.o.o. prilikom popunjavanja Aneksa 3. Obrazac za cijenu ponude:

- na stranici 2. “Predmjera radova za JSO poginulom pripadniku OS BiH Aneks 3”, pod rednim brojem 2. “Nabavka materijala, spravljanje i ugradnja betona u zemlji za temelje nišana...” je napravio računsku grešku u množenju, tako što je upisan iznos 50,60 KM umjesto 46,00 KM (0,23x200=46,00), što u konačnici čini netačnim i iskazanu cijenu 1 para JSO,
- na stranici 3. “Predmjer radova za JSO poginulim/umrlim nosiocima priznanja “Zlatni ljiljan Aneks 3”, pod rednim brojem 2. “Nabavka materijala, spravljanje i ugradnja betona u zemlji za temelje nišana...” je napravio računsku grešku u množenju, tako što je upisan iznos 50,60 KM umjesto 46,00 KM (0,23x200=46,00), , što u konačnici čini netačnim i iskazanu cijenu 1 para JSO,
- na stranici 3. “Predmjer radova za JSO poginulim/umrlim nosiocima priznanja “Zlatni ljiljan Aneks 3”, pod rednim brojem 4. “Nabavka materijala za rezanje, brušenje i ispisivanje kamena za izradu spomen obilježja bosanskog šehidskog nišana (par), a sve prema detaljima iz projekta“ propustio je da unese ukupnu vrijednost navedene stavke (1x854,00= _____ KM).

Na osnovu svega navedenog Komisija je konstatovala da je ponuda nepravilna, te se ista u skladu sa članom 68. stav (4) tačka j) ZJN, odbacuje.

Komisija je predložila ugovornom organu da u skladu sa članom 70. stav (1) ZJN donese Odluku o poništenju postupka javne nabavke.

Na temelju utvrđenog činjeničnog stanja, odlučeno je kao u članu 1. ove odluke.

POUKA O PRAVNOM LIJEKU: Protiv ove Odluke ponuđač može da izjavi žalbu u roku od 5 dana od dana prijema iste u skladu sa članom 101. stav (5) točka c) Zakona o javnim nabavkama. Žalba se podnosi Kancelariji za razmatranje žalbi Bosne i Hercegovine putem Ministarstva za boračka pitanja Tuzlanskog kantona, ul. Maršala Tita do broja 34, Tuzla, shodno odredbama člana 99. Zakona o javnim nabavkama.

DOSTAVLJENO:

- 1 x Ponuđaču,
- 1 x Komisija za javne nabavke,
- 1 x a/a.



Ministrica

Senada Dizdarević
Senada Dizdarević, dipl. pravnik